

《中國地方藝文薈萃》編委會 編

中國地方藝文薈萃

學苑出版社

華東卷·第十一輯 叁

華東卷·第十一輯
叁

中國地方藝文薈萃

《中國地方藝文薈萃》編委會 編

貴州师范学院内部使用

國朝金陵詩徵四十八卷（一）

貴州师范学院内部使用

國朝金陵詩徵四十八卷（二）

（清）朱緒曾編

據清光緒十三年（一八八七）刻本影印

國朝金陵詩徵序

自輶軒采風之職廢而郡國之歌詠不上於朝廷於是士大夫私輯其一方之詩以存風雅以徵文獻宋史藝文志總集類有孔延之會稽掇英集二十卷薛傳正錢唐詩前後集三十卷曾旼潤州類集十卷鮑喬豫章類集十卷皆其濫觴也獨怪金陵爲東南大都會六朝之時王氣鍾焉至有明又爲留都其江山之勝人物之英甲於海內而不聞有裒聚其詩都爲一集者考明焦竑國史經籍志有姚汝循金陵風雅四十卷及求之明史無有焉蓋其書久佚矣朱述之先生於是

有金陵詩徵之作遠自六朝近至 昭代上自名公鉅卿之製下逮勞人思婦之詞旁及緇衣黃冠之作網羅放失含咀英華有人以詩傳者有詩以人存者其里居必載其科目必

書蓋不特采珠寶窟取石瑤林而其尙友之心論世知人之
識亦居可見矣都凡巨冊二十有六厚皆寸許嗚呼觚編豪
絡其勤至此哉中經離亂其子桂模奉以周旋勿敢失隊而
卷帙繁重刻以行世力有未逮合肥張楚寶士珩江甯翁鐵
梅長森皆與先生有雅故之誼又念此書爲金陵一郡七邑
菁華所萃不可聽其淹沒乃謀由近及遠先刻 國朝金陵
詩徵四十有八卷刻旣成問序於余余謂姚汝循金陵風雅
止四十卷而此書於我 朝一代之詩卷帙已過之其美富
可知也姑刻此以爲先焉其在潛虛隆之二曰勿增勿虧守
之以祇考之二曰勿壞其基以俟能爲願謹守而俟之吾雖
衰老猶及見全書之畢出也

光緒十有三年秋八月德清俞樾書

金陵詩徵序

朱文公作言行錄呂成公作文鑑而宋代中原之文獻裒朕具存厥功偉矣朕皆不及詩選詩而詳其仕履若元遺山錢牧齋朱竹垞王述庵諸先生人爲小傳善矣又皆鳩合天下才士而非止一郡至網羅桑梓前民之言上溯秦漢下逮於朋舊并陳其人之生平則吾友朱君述之之詩徵爲用力勤而計功最速之卒於官哲嗣桂模謹護其稿於兵燹顛沛中今復繕爲清本百有餘卷而問序於予予謂金陵不以文著桐城派興始有管梅兩君而他罕以古文見朕文以闡道釋惑記事記言記人者爲上攷經史議政事模山水辨堅白者次之若夫贈序壽言迺其貢諛媚以希恩寵之實證必當去之惟夫人之善言篤行足以樹風聲而振頑懦宜詳載以爲

後進之圭闡故述之略古文而蒐詩兼注其言行以備尙友者之取法此采掇之微旨與抑子別有議焉有明嘉靖以後吾郡主壇坵者二顧而卓見之儒歎取英玉狀則名家詩已有集行天地閒與詩選詩綜詩傳所已錄者甄消之而拾其遺珠惟一二幽憂伊鬱之士外擯於有司內不得志於戚里甚或受侮市井其棖觸聞見語默皆不可遂取徑曲而屬詞票搖采色穠至而意味苦於六義爲風若比斯文所不能載而詩足以達之尤非疏其身世遭遇不能箋其寄慨之旨矣君與子同受知於歸安姚文僖公齒相次耆好相等而君有良子繼其志俾無失墜異時賢大夫修纂志乘得君此書於文苑庶備杞宋之徵予困窮且無後牘有吟嘯未審後世有續君之業者否也因黯狀識之時

光緒五年門五日江甯汪士鐸序

七

國朝金陵詩徵序

人之聰明材力之命於天者初無甚殊卽所謂性也而其後或著於當時傳於後世或竟湮沒無聞此豈有物焉爲之左右其間哉亦習則然耳文盛於韓子而張籍李翱之倫出學盛於朱子而蔡沈黃幹之輩興夫皆天所畀耶抑得於人所漸摩而始有以自令耶吾金陵稱詩始王氏昌齡冷氏朝陽逮乎顧氏璘亦與何李參執牛耳自外與於風雅者代不乏人然不數數稱於世蓋嘗重惟所以然之故而其說有三焉一窮其年於學撰著滿家初不自刊刻而子姓鮮識但珍手澤不知宜廣其傳也一俗尙恬退雖復一吟一詠自適己意未始以爲名寢至無可甄錄也若夫迹不出里巷束脩自好雅不以標榜爲賢而故紙塵封日遠日蝕遂不爲朋從所稱

道者又一也是雖有合於遯世無悶之義然不又曰君子疾
沒世而名不稱歟要之抑猶有說夫詩六藝之一亦立言也
嚮使有二三豪傑相與殫其聰明材力以畢役於斯篇詠既
工所傳自遠卓卓乎日益有聞時之人效焉後之人由焉如
是而猶謂不能著當時傳後世將與湮沒無聞者儕吾不信
也彼建安七子大厯十子及前後七子類者非其所性獨厚
於天亦以人之氣類之相感於不自知而才有以相長習有
以相成哉然則好聲矜賢之士宜若可疵殆猶狂者進取焉
雖然會亦時無有心人爲類而聚之甄而出之若河嶽英靈
中興閒氣等集故於世鮮稱上元朱觀察緒曾當宦浙時用
黃氏宗羲姚江逸詩例取漢魏迄國朝詩人之隸籍金陵
者且旁及流寓都錄數十巨帙將刊行焉未果卒子學博桂

模抱遺書閒關來歸冀繼成先志力未能也於是翁君長森集其友議釀而從事以謂前代之作既多傳本且一時並舉費尤不貲盍刊自 國朝始亡何學博又卒議者遂分任焉極校訂之煩綜覈之瑣成書四十入卷曰 國朝金陵詩徵然而觀察於 國朝人之詩非盡緝全藁有所聞見輒付寫人往往非其至者又以詩存人義當稍假故不能若殷氏璠高氏仲武之號爲完書此宜鑒其忠厚之思而不得復繩以別裁之體矣抑吾嘗論世之發名成業者類黠不勝癡韓子之文之雄朱子之學之粹皆以遺棄一切得之而黠者且苟一時之安或別放其欲孰與疲精憊神而遠希乎不可知名哉此又得於前數說之外而歎聲塵寂寞世莫予知蓋非適然之數耳不然凡曰作者造已於廣大博覽載籍又徧交

當世賢豪其於詩也不且有以稱吾金陵江山之雄偉都會
之鉅麗人文物產之瓌奇而奧衍者乎抑未可例視己邑後
學顧雲謹序

助刊姓氏

六安涂朗軒尙書宗瀛

洋二十元

合肥劉省三爵中丞銘傳

銀一百兩

貴池劉芝田星使瑞芬

銀五十兩

海陵錢子密太常應溥

銀二十兩

歸安陸存齋觀察心源

洋二十元

錢塘丁松生司馬丙

洋十六元

合肥李新吾樞部經畚

銀二十四兩

合肥張楚寶觀察士珩

銀一百兩

嘉興陳哲甫副郎明遠

銀十兩

六合徐孫麒星使成祖

銀一百兩

六合王榮春軍門永勝

銀十兩

上元王少巖太守延長

銀十兩

上元宗湘文太守源翰

洋二十元

上元姚价生大令延福

銀五十兩

上元陳理臣大令守中

銀三十兩

上元吳叔平大令邦治

銀二十兩

上元顧子貞大令德恆

洋二十元

上元侯小巢大令甲瀛

洋二十元

江甯陶作舟大令楫

洋二十四元

江甯石少山大令庭鑾

銀十兩

江甯高禹卿大令英

洋二十四元

江甯方子涵大令培容

洋二十元

六合陳逸士大令家麟

銀十兩